

Cofnodion cyfarfod misol CYNGOR CYMUNED BONTNEWYDD a gynhaliwyd ar 21ain Gorffennaf 2011. Y Cyngorydd Marian Roberts oedd yn Cadeirio'r cyfarfod gyda'r Cyngorydd Dafydd Iwan, T. Cyril Owen, Rhys Pugh, Geraint R. Jones, Hilma Ll. Edwards ac Ifor D. Williams ac y clerc, Bryn Hughes, yn bresennol. Nid oedd neb yn datgan diddordeb / buddiant personol. Cafwyd ymddiheuriadau gan y Cyngorydd Erddyn Davies, Catrin Roberts, Emyr Williams â'r Cyngorydd Sir, Chris Hughes. Fe gafodd Cofnodion y cyfarfod diwethaf ei gadarnhau yn gywir drwy gynnig gan y Cyngorydd T. Cyril Owen a gafodd ei eilio gan y Cyngorydd Rhys Pugh.

#### **MATERION YN CODI O'R COFNODION**

**Parc y Plwyf, Llanfaglan - Holiadur cynllun datblygu** : Ymateb y plwyfolion i'r holiaduron oedd 53.6% o blaid y datblygiad, 39.3% yn erbyn a 7.1% yn datgan dim barn. Dychwelwyd 78% o'r holiaduron i'r clerc. O ganlyniad, fe benderfynwyd sefydlu Is-Bwyllgor i symud y prosiect ymlaen i gynnwys Cyngorydd Dafydd Iwan, Ifor D. Williams ac Erddyn Davies gyda'r Clerc. Bwriedir cynnal y cyfarfod cyntaf ar y safle ganol i ddiwedd mis Awst.

**Cynnydd yn achosion o ladrata o fewn y gymuned** : Mae Mr Rooksby o Heddlu Gogledd Cymru wedi bod mewn cysylltiad â'r Cyngorydd Ifor D. Williams ac wedi cael trafodaeth helaeth gydag ef. Adroddodd y Cyngorydd Dafydd Iwan bod achosion o fandaliaeth yn Cae Stanley wedi cynyddu yn ogystal. Mae'r clerc i gysylltu gyda Mr Rooksby a'i wahodd i gyfarfod y Cyngor yn ein cyfarfod ar Medi 15fed a gofyn iddo os nad yw ef yn gallu dod, a fyddai rhywun arall yn dod yn ei le. Mae'r aelodau yn awyddus iawn i drafod y materion yma cyn gynted â phosibl gyda'r Heddlu.

**Asiantaeth yr Amgylchedd Cymru – Cynllun Llifogydd Cymunedol** : Cafwyd sylwadau gan Cyngorydd Geraint R. Jones ynglyn y cynllun sydd a'r bwriad o sefydlu Cynllun Llifogydd Cymunedol gyda Wardeiniaid Llifogydd. Mae'r clerc i wahodd Sara Lane o'r Asiantaeth yn y dyfodol agos i gyfarfod yr aelodau a thrafod y mater ymhellach.

#### **MATERION ARIANNOL**

**Cymeradwyo'r datganiadau cyfrifo yn Adran 1** : Cafodd gyfrifon blwyddyn ariannol 2010/11 ei dderbyn a'i gymeradwyo drwy gynnig gan y Cyngorydd Dafydd Iwan a gafodd ei eilio gan y Cyngorydd Ifor D. Williams. Fe awdurdodwyd Cadeirydd y noson i arwyddo tudalen 1 y ffurflen flynyddol ar ran y Cyngor Cymuned.

**Cymeradwyo'r datganiad Llywodraethu Blynyddol** : Cyflwynwyd y Datganiad Llywodraethu Blynyddol a derbyniwyd yr atebion rhoddodd y clerc yn Adran 2 fel rhai cywir, cyflawn, ac yn cynrychioli ymatebion terfynol y Cyngor drwy gynnig gan y Cyngorydd Geraint R. Jones a gafodd ei eilio gan y Cyngorydd Dafydd Iwan.

#### **ARCHWILIADAU SAFLE - Adroddiad gan y clerc :**

**Cae Stanley.** Mae'r giât mochyn wedi cael ei ddifrodi, oherwydd fandaliaeth mae'n debyg. Mae'r golfach wedi siglo ac nid yw'n gorwedd yn gywir. Mae Cyngor Gwynedd yn ymwybodol o'r difrod ac wedi cysylltu â chontractwr i edrych ar y giât a'i atgyweirio.

**Cysgodfâu Bws.** Mae'r cysgodfâu bws yn lân ac mewn cyflwr da heblaw am y difrod yr wyf wedi adrodd arno yn y gorffennol. Fodd bynnag, mae graffiti ffres ar persbecs y ddau gysgodfa yng nghanol y pentref.

**llwybr beicio ger y gysgodfa bws siop sglodion.** Paentio'r ffordd er mwyn gwahardd cerbydau rhag parcio a blocio mynediad at y llwybr. Mae'r ffordd wedi ei farcio fel petai'n barod i'w baentio ond nid yw'r gwaith wedi ei gwblhau hyd yn hyn. Dywedodd Meirion Williams o Gyngor Gwynedd bydd y llinellau'n cael eu gosod yn ystod eu rhaglen marcio ffyrdd nesaf.

**Ciosg Teleffôn, Llanfaglan.** Mae'r gwyrdd wedi ei falurio ac mae'n ymddangos i mi nad yw'r ffôn yn gweithio ychwaith. Mae yna ddwy glogfaen fawr oddi fewn i'r ciosg – sef beth ddefnyddiodd y fandaliaid mae'n debyg.

**Parc y Plwyf, Llanfaglan.** Mae'r gwair wedi gordyfu ac angen ei dorri.

**Y Foryd.** Mae rhywun wedi ceisio rhoi'r 'llog' ar dân ac mae olion glo barbicwi oddi fewn i'r 'llog'. Hefyd oedd y biniau yn eithaf llawn pan oeddwn i yno ac oedd peth sylweddol o sbwriel o gwmpas y safle. Mae Meirion Williams wedi hysbysu'r Uwch Swyddog Gweithredu Gwledig o'r difrod ac mae am drefnu asesiad o'i gyflwr yn fuan. Mae'r Uned Gweithiau Bwrdeistrefol wedi ymweld â'r safle i glirio'r sbwriel.

**Cae Swings, Llwyn Beuno.** Mae yna rhagor o sbwriel adeiladu o flaen y modurdai. Mae cyflwr yr offer chwarae i weld yn foddhaol. Mae Richard Roberts o Gartrefi Cymunedol Gwynedd wedi adrodd yn ôl yn datgan y bwriedir dymchwel y modurdai a glanhau'r safle.

#### **Penderfyniad:**

Mae'r clerc i gysylltu a gofyn i BT fynd ati ac atgyweirio'r ciosg teleffon, tra'n pwysleisio pwysigrwydd y ciosg i'r ardal. Mae'r clerc i drefnu cael torri gwair Parc y Plwyf.

**ARWYDDION ARDAL BONTNEWYDD - Adroddiad gan y Cyngorydd Dafydd Iwan** : Mae arwyddion unrhyw ardal yn bwysig, er mwyn cofnodi enwau hanesyddol a diweddar yn gywir, ac wrth reswm, i gyfeirio pobl i'r manau iawn. Daeth i'm sylw dros nifer o flynyddoedd fod sawl arwydd yn ardal Bontnewydd a'r cylch yn dangos anghysondeb, neu'n anwybyddu enwau hanesyddol.

#### **Tai Brymer / Tai Beuno**

Ar hyn o bryd, mae'r arwyddion wrth y ddwy res o dai yn y Bontnewydd yn dweud "Ffordd Brymer" a "Ffordd Beuno". Mae hyn yn gamarweiniol, os nad yn wir yn anghywir. Mae digon o enghreifftiau yn y cylch o resi tai yn dwyn yr enw "Tai", e.e. "Tai Libanus" ar y Lôn Groes a "Tai Magdalen" yn Llanfaglan.

#### **1. Awgrymaf ein bod yn gofyn i Gyngor Gwynedd fabwysiadu'r ffurf "Tai Brymer" a "Tai Beuno" a gosod yr arwyddion priodol.**

#### **Y Foryd / Foryd Bach**

Mae'r arwydd sy'n cyfeirio at Y Foryd o Lanfaglan ar hyn o bryd yn dweud "I'r Traeth / Sea shore". Awgrymaf fod y ddau enw yma yn gamarweiniol, ac wrth gwrs yn anwybyddu'r enw priodol, sydd hefyd yn ddisgrifiad cywir, sef "Y Foryd". Yn nes i gyfeiriad Llandwrog, mae'r "Foryd Bach", ac awgrymaf y dylem ofyn am gefnogaeth Cyngor Cymuned Llanwnda i roi'r enw hwnnw hefyd ar arwyddion.

#### **2. Awgrymaf ein bod yn gofyn i Gyngor Gwynedd osod arwyddion "Y Foryd" a'r "Foryd Bach" yn y manau priodol.**

#### **Groeslon 'Refail' / Lôn Morfa**

Mae'r Cyng. Ifor Williams wedi dwyn fy sylw i'r ddau enw yma y dylid eu gosod ar arwyddion yn ardal Llanfaglan, y naill ar y groesffordd sy'n troi am Bontnewydd a'r llall ar y ffordd sy'n mynd i gyfeiriad Y Foryd.

#### **3. Awgrymaf ein bod yn gofyn i Gyngor Gwynedd osod arwyddion "Groeslon 'Refail' a "Lôn Morfa" yn y manau priodol.**

Enwau eraill i'w hystyried yn Llanfaglan: SLING, PARC Y PLWYF, PONC Y FORYD a'r HEN EGLWYS.

#### **Gyrrwch yn ofalus**

Am ryw reswm, mae'r Cynulliad (o bosib yn dilyn o ddyddiau'r Swyddfa Gymreig) yn mynnu defnyddio'r ffurf afrosgo – os nad anramadegol – "Gyrrwch yn ddiogel" ar brif ffyrdd, tra'n caniatáu'r ffurf llawer mwy soniarus "Gyrrwch yn ofalus" ar ffyrdd llai.

#### **4. Awgrymaf ein bod yn pwysu am fabwysiadu'r ffurf "Gyrrwch yn ofalus" wrth arwyddion ffordd y Bontnewydd..**

##### **Milltir / Ffilltir**

(Er nad yw'n berthnasol ar hyn o bryd i ardal y Cyngor)

#### **5. Dylem bwysu ar Lywodraeth y Cynulliad hefyd i sicrhau mai'r ffurf "filltir" ddylai ddod ar ôl 1 a 2, ond "milltir" gyda phob rhif arall, er cywirdeb.**

##### **PENDERFYNIAD:**

Cafwyd peth trafodaeth yn dilyn cyflwyniad y Cynghorydd Dafydd Iwan, gyda'r Cynghorydd Hilma Ll. Edwards yn awgrymu y dylid defnyddio "Rhesdai" yn lle "Tai" fel cyfieithiad am "Terrace". Nid oedd Cyng. Dafydd Iwan yn gwrthwynebu'r awgrym. Gofynnwyd i'r clerc lythyru a'r Cynghorau (Cymuned Llanwnda a Gwynedd) a'i gwneud yn hysbys o'r adroddiad a chefnogaeth Cyngor Cymuned Bontnewydd i'r argymhellion, gan awgrymu y dylai Cyngor Gwynedd ofyn i drigolion Ffordd Brymer a Ffordd Beuno a hoffent newid enw'r stryd i "Tai" yntau "Rhesdai" Brymer a Beuno.

##### **"HWYL Y BONT 2011" : Eitem gan Cynghorydd Geraint R. Jones**

Hoffai'r Cynghorydd Geraint R. Jones longyfarch Pwyllgor "Hwyl y Bont 2011" am gynnal y gweithgareddau ac am lwyddiant yr holl wyl. Mae'r clerc i ysgrifennu at Ysgrifennydd y Pwyllgor i'w llongyfarch.

##### **GWAITH CYNNAL TIROEDD gan CYNGOR GWYNEDD : Eitem gan Cynghorydd Geraint R. Jones**

Hoffai'r Cynghorydd Geraint R. Jones longyfarch y tîm sydd yn gwneud gwaith cynnal tiroedd Cyngor Gwynedd am gyflwr y glaswellt ac y blodau hardd sydd wedi eu plannu o'r ffordd o Bontnewydd i Gaernarfon. Mae'r clerc i ysgrifennu at y Swyddog Priodol yng Nghyngor Gwynedd i'w longyfarch â'i dîm.

**DYDDIAD Y CYFARFOD NESAF :** Nos Iau, Medi 15<sup>fed</sup> am 7 o'r gloch

##### **YMHOLIADAU I :**

Bryn Hughes

Clerc y Cyngor

CYNGOR CYMUNED BONTNEWYDD

11 Bro Wyled

Rhostryfan

Caernarfon

LL54 7LP

[hughesbryn@yahoo.co.uk](mailto:hughesbryn@yahoo.co.uk)

Ffôn (nôs) : 01286 831861